

Na osnovu člana 17. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, br. 4/00, 18/02, 30/08, 1/12 i 15/13) Upravni odbor Zavoda, na 23. redovnoj sjednici održanoj dana 03.10.2018. godine, donosi

**Pravilnik**  
**o načinu ostvarivanja prava na novčanu naknadu u slučaju teške bolesti**

**Član 1.**

Ovim Pravilnikom uređuje se način i postupak ostvarivanja prava radnika Zavoda, odnosno zaposlenih u javnim zdravstvenim ustanovama u slučaju teške bolesti i invalidnosti, prema uslovima propisanim Pravilnikom o radu Zavoda zdravstvenog osiguranja Kantona Sarajevo broj: UO/06-20901-VII-2/17, od dana 19.10.2017. godine, odnosno Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (“Službene novine KS” broj: 44/18) i Kolektivnog ugovora o pravima i obavezama poslodavaca i radnika u djelatnosti doktora medicine i stomatologije za područje Kantona Sarajevo (“Službene novine KS” broj: 45/18), te u skladu sa važećim ugovorima i aneksima ugovora o pružanju usluga zdravstvene zaštite zaključenim između Zavoda i javnih zdravstvenih ustanova.

**Član 2.**

Pod teškom bolesti podrazumijevaju se sljedeće bolesti: akutna tuberkuloza, maligna oboljenja, endemska nefropatija, hiruška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenje mišićnog sistema, paraliza i druge teške bolesti određene općim aktom Federalnog ministarstva zdravstva.

Invalidnošću se smatra invalidnost od najmanje 60% oštećenja organizma – stepena invalidnosti utvrđena rješenjem nadležne institucije.

Bolest odnosno invalidnost se dokazuje na osnovu dijagnoze iz medicinske dokumentacije nadležne zdravstvene ustanove i preporuke zdravstvene komisije za ocjenu težine bolesti formirane kod javno zdravstvene ustanove, a konačnu odluku o utvrđivanju prava po ovom osnovu donosi direktor Zavoda na prijedlog komisije Zavoda.

**Član 3.**

(1) Teška bolest dokazuje se na osnovu dijagnoze iz otpusnog pisma ili druge priložene medicinske dokumentacije iz koje se bez sumnje može utvrditi momenat nastanka bolesti.

(2) Invalidnost se dokazuje pravosnažnim rješenjem izdatim od strane institucije nadležne za medicinsko vještačenje zdravstvenog stanja.

(3) Nastankom bolesti odnosno invalidnosti smatra se momenat uspostavljanja dijagnoze temeljem koje se traži ostvarivanje prava, odnosno datum pravosnažnosti rješenja kojim je utvrđena invalidnost.

**Član 4.**

(1) Za ostvarivanje prava na naknadu na osnovu teške bolesti i invalidnosti moraju biti ispunjeni sljedeći uslovi:

a) da je teška bolest odnosno invalidnost nastala u trenutku kada je podnosilac zahtjeva za ostvarivanje prava bio u radno-pravnom statusu u Zavodu, odnosno javnoj zdravstvenoj ustanovi

b) da je zahtjev za naknadu u slučaju teške bolesti odnosno invalidnosti dostavljen u roku ne dužem od 6 mjeseci od trenutka nastanka teške bolesti odnosno invalidnosti u smislu člana 3. stav 3. ovog Pravilnika,

c) dokumentacija kojom se dokazuje teška bolest odnosno invalidnost ne smije biti starija od 6 mjeseci;

d) preporuka zdravstvene komisije javno zdravstvene ustanove za ocjenu težine bolesti kada je podnosilac zahtjeva radnik javno zdravstvene ustanove.

(2) U slučaju kada je podnosilac zahtjeva radnik javne zdravstvene ustanove rok iz stava 1. tačka b) se računa sa momentom predaje zahtjeva poslodavcu - javnoj zdravstvenoj ustanovi.

(3) Javna zdravstvena ustanova će u roku od 30 dana od dana postavljenog zahtjeva podnosioca isti obraditi i dostaviti Zavodu na dalje postupanje.

#### Član 5.

(1) Obračun i isplata naknade za slučaj teške bolesti odnosno invalidnosti u slučaju kada je podnosilac Zahtjeva radnik Zavoda vrši se najkasnije u roku od 30 dana od dana donošenja odluke direktora Zavoda iz člana 2. stav 3. ovog Pravilnika.

(2) Obračun i isplata naknade za slučaj teške bolesti odnosno invalidnosti u slučaju kada je podnosilac Zahtjeva radnik javne zdravstvene ustanove vrši se i doznachava u roku od 30 dana od dana donošenja odluke direktora Zavoda iz člana 2. stav 3. ovog Pravilnika, a po dostavljenoj dokumentaciji od strane javne zdravstvene ustanove. Doznakom sredstava javnoj zdravstvenoj ustanovi Zavod je u cijelosti izvršio svoju obavezu po navedenom osnovu i ne može biti strankom u slučaju eventualnog spora između poslodavca i podnosioca.

(3) Zavod će isplate po osnovu naknada za teške bolesti odnosno invalidnost temeljem propisa iz člana 1. ovog Pravilnika vršiti u skladu sa finansijskim mogućnostima i do visine planiranih sredstava utvrđenih važećim finansijskim planom Zavoda za tekuću godinu.

#### Član 6.

(1) Direktor Zavoda je ovlašten za donošenje provedbenih akata za kojima se ukaže potreba radi provođenja ovog Pravilnika (smjernice, uputstva i sl.).

(2) Akti iz prethodnog stava primjenjivat će sa snagom odredbi ovog Pravilnika.

#### Član 7.

Odredbe ovog Pravilnika obavezujuće su za Zavod i javne zdravstvene ustanove koje su u ugovornom odnosu sa Zavodom.

#### Član 8.

(1) Ovaj Pravilnik stupa na snagu danom donošenja.

(2) Zahtjevi koji su zaprimljeni prije stupanja na snagu ovog Pravilnika, a nisu riješeni rješavat će se prema odredbama istog.

Broj: UO/06 – 11.1 – 34580/18  
Sarajevo, 03.10.2018. godine

Predsjednik Upravnog odbora  
  
Hamid Milak, dipl.oec.  


#### Dostaviti:

- Direktor;
- Interna revizija;
- Sektor za pravne poslove;
- Sektor za ekonomiku i finansiranje;
- Sektor za medicinske poslove i farmaceutske poslove 2x;
- ⊖ a/a UO x2;
- a/a.